

全唐詩目 第四函

第十册

耿滄 二卷

戎昱 一卷

竇叔向

竇常

竇牟

竇羣

竇庠

竇羣 共一卷

全唐詩

耿濤

耿濤字洪源河東人登寶應元年進士第官右拾遺工詩與錢起盧綸司空曙諸人齊名號大曆十才子濤詩不深琢削而風格自勝集三卷今編詩二卷

發南康夜泊瀨石中

倦客乘歸舟春溪杳將暮羣林結暝色孤泊有佳趣夜山轉長江赤月吐深樹颯颯松上吹泛泛一作灑灑花間露險石俯潭渦跳湍礙沿沂豈唯垂堂戒兼以臨深懼稍出回雁峰明登斬蛟桂連雲向重山杳未見鍾路

過王山人舊居

故宅春山中來逢一作夕陽入汲少井味變開稀戶樞澀
樹朽鳥不栖階閑雲自濕先生何處去惆悵空獨立

晚次昭應

落日向林路東風吹麥隴藤草蔓古渠牛羊下荒塚驪
宮戶久閉温谷泉長湧爲問全盛時何人最榮寵

聽早蟬歌

蟬鳴兮夕曛聲和兮夏雲白日兮將短秋意兮已滿乍
悲鳴一作吟兮欲長猶嘶澀兮多斷風蕭蕭兮轉清韻嘒嘒
兮初成依婆婆之古樹思遼落之荒城閑院支頤深林
倚策猶一作獨惆悵而無語鬢星星而已白

蘆花動

連素穗翻秋氣細節疎莖任長吹共作月中聲孤舟發
鄉思

賦得寒蛩

爾誰造鳴何早趯趯連聲徧階草復與夜雨和遊人聽
堪老

宣城逢張二南史

全家宛陵客文雅世難逢寄食年將老干時計未從秋
來句曲水雨後敬亭峯西北長安遠登臨恨幾重

題童子寺

半偈留何處全身棄此中雨餘沙塔壞月滿雪山空聳
刹臨回磴朱樓間碧叢朝朝日將暮長對晉陽宮

夏日寄東溪隱者

日華浮野水草色合透空處處山依舊年年事不同閑
田孤壘外暑雨片雲中惆悵多塵累無由訪釣翁

之江淮留別京中親故

長雲迷一雁漸遠向南聲已帶千霜鬢初爲萬里行繁
蟲滿夜草連雨暗秋城前路諸侯貴何人重客卿

太原送許侍御出塞歸東都

昔隨劉越石今日獨歸時汾水風煙令并州花木遲荒
庭增別夢野雨失行期莫向山陽過隣人夜笛悲

華州客舍奉和崔端公春城曉望

不語看芳徑悲春嬾獨行向人微月在報雨早霜生貧

病催年齒風塵掩姓名
賴逢驄馬客郢曲緩羈情

題清蘿翁雙泉

側弁向清漪門中夕照移
異源生暗石疊響落秋池
葉擁沙痕沒流回草蔓隨
泠泠無限意不獨遠公知

酬李文一作文

落照長楊苑秋天渭水濱
初飛萬木葉又長一年人
貧病仍爲客艱虞更問津
多慙惠然意今日肯相親

贈嚴維

許詢清論重寂寞住山陰
野路接一作客投寒一作荒寺
閑門當一作傍

古林海田秋熟早湖水夜漁深
世上窮通理誰人一作能奈

此心

御宅全唐詩 四 秋 寺 雙 峯 寺

春日題苗發竹亭

春亭及策上、郎吏謝玄暉、閑詠疎篁近、高眠遠岫微、偏
宜留野客、暫得解朝衣、猶憶東溪裏、雷一作雷雲掩故扉、

題孝子陵

荒墳秋陌上、霜露正霏霏、松柏自成拱、苫廬長不歸、浮
埃積蓬鬢、流血在一作存麻衣、何必曾參傳、千年至行稀、

題莊上人房

不語焚香坐、心知道已成、流年衰此世、定力見他生、暮
雪餘春冷、寒燈續晝明、尋常五侯至、敢望下階迎、

宋中

日暮黃雲合、年深白骨稀、舊村喬木在、秋草遠人歸、廢

井莠苔厚荒田路徑微、唯餘近山色相對似依依。

秋夜思歸

來時猶暑服、今日露漫漫、多雨逢初霽、深秋生夜寒、投
人心似自作切、爲客事皆難、何處無留滯、誰能暫問看、

送李端

世上許劉楨、洋洋風雅聲、客來空改歲、歸去未成名、遠
近天初暮、關河雪半晴、空懷諫書在、回首戀承明、

送崔明府赴青城

清冬賓御出、蜀道翠微間、遠霧開羣壑、初陽照近關、霜
潭浮紫菜、雪棧繞青山、當似遺民去、柴桑政自閑、

送王將軍出塞

漢家邊事重、寶憲出臨戎、絕漠秋山在、陽關舊路通、列
營依茂草、吹角向高風、更就燕然石、行看奏虜功、
一作看銘
破虜功

雨中留別

東西無定客、風雨未休時、憫默此中別、飄零何處期、青
山違舊隱、白髮入新詩、歲歲迷津路、生涯漸可悲、

送楊將軍

一身良將後、萬里討烏孫、落白邊陲待、秋風鼓角喧、遠
山當磧路、茂草向營門、生死酬恩寵、功名豈敢論、

送夏侯審遊蜀

暮峰和玉壘、回望不通秦、更問蜀城路、但逢巴語人、石
林鶯囀曉、板屋月明春、若訪嚴夫子、無嫌卜肆貧、

送張侍御赴郴州別

佐郡人難料，分襟日復斜。一帆隨遠水，百口過長沙。明月江邊夜，平陵夢裏家。王孫對芳草，愁思杳無涯。

送苗贇

武赴陽翟丞

夕陽秋草上去馬，弟兄看年少。初辭闕時危，遠效官山行。獨夜雨，旅宿二陵寒。詩興生何處，嵩陽羽客壇。

送絳州郭參軍

遠事諸侯出，青山古晉城。連行麴水閣，獨入議中兵。夜雨新田濕，春風曙角鳴。人傳府公政，記室有參卿。

常州留別

萬里南天外，求書禹穴間。往來成白首，旦暮見青山。夜

浦涼雲過秋塘好月閑設勤陽羨桂別此幾時攀

關山呈

月明邊徼靜戍客望鄉時塞古柳衰盡關寒榆發遲蒼
蒼萬里道戚戚十年悲今夜青樓上還應照一作有所思

伐宋州將淮上乞師

唇齒相依危亡故遠一作在歸身輕一作經百戰出一作後家在數

重圍上將堅深壘殘具鬪落暉常聞鐵劍利早晚借餘

威

秋晚臥疾寄司空拾遺曙盧少府綸

寒几坐空堂陳鬢似積霜老醫遺舊疾朽藥誤新方晚
果紅低樹秋苔綠徧牆慙非蔣生徑不敢望求羊

贈海明上天

一作贈
明之

來自西天竺

竺國

持經奉紫微、年深梵語變、行苦俗流

一作人

歸、月上安禪久、苔生出院稀、梁間有馴鴿、不去復一作亦何

依

一作爲
無機

津亭有懷

津亭一望鄉、淮海晚茫茫、草沒棲洲鷺、天連映浦橋、往來通楚越、旦暮易漁商、惆悵緘書畢、何人向洛陽、

晚投江澤浦即事呈柳兵曹泥

落日過重霞、輕烟上遠沙、移舟衝荇蔓、轉浦入蘆花、斷岸迂來客、連波漾去槎、故鄉何處在、更道向天涯、

東郊別業

...

東阜占薄田、耕種過餘年、護藥栽山刺、澆蔬引竹泉、晚
雷期稔歲、重霧報晴天、若問幽人意、思齊沮溺賢、

早朝

鍾鼓餘聲裏、干官向紫微、冒寒人語少、乘月燭來稀、清
漏聞馳道、輕霞映瑣闈、猶看嘶馬處、未啟掖垣扉、

屏居整屋

百年心不料、一卷日相知、乘興偏難改、憂家是強爲、縣
城寒寂寞、峰樹遠參差、自笑無謀者、祇應道在斯、

進秋隼

豈悟因羅者、迎霜獻紫微、夕陽分素臆、秋色上花衣、舉
翅雲天近、回眸燕雀稀、應隨明主意、百中有光輝、

詠宣州筆

寒竹慙虛受，纖毫任幾重。
影端緣守直，心勁懶藏鋒。
落紙驚風起，擢空見露濃。
丹青與文事，捨此復何從。

春日洪州即事

鍾陵春日好，春水滿南唐。
竹宇分朱閣，桐花間綠楊。
蹉跎看鬢色，留滯惜年芳。
欲問羈秋發，秦關道路長。

雪後宿王純池州草堂

宿君湖上宅，琴韻靜參差。
夜雪入秋浦，孤城連貴池。
流年看共老，銜酒發中悲。
良會應難再，晨雞自有期。

旅次漢故一作好時

我行過漢時，寥落見孤城。
邑里經多難，兒童識五兵。
廣

川桑遍綠、叢薄雉連鳴、惆悵蕭關道、終軍願請纓、

過三郊驛、却寄楊評事、時此子郭令公欲有表

薦

冉冉青衫客、悠悠白髮人、亂山孤驛暮、長路百花新、終歲行他縣、全家望此身、更思君去就、早晚問平津、

隴西行

雪下陽關路、人稀隴戍頭、封狐猶未翦、邊將豈無羞、白草三冬色、黃雲萬里愁、因思李都尉、畢竟不封侯、

巴陵逢洛陽鄰舍 一作書清 逢舊人

因君知北 一作世 事、流浪 一作 已忘機、客久 一作 多人識、一作 年高

一作 衆病歸、連雲湖 一作 色遠、度雪雁聲稀、又說家林盡、悽

飲沽來酒羞看讀了書、閑花開一作滿地、惆張復何如、

贈田家翁

老人迎客處、籬落稻畦間、蠶屋朝寒閉、田家晝雨閑、門
間新薙草、蹊徑一作舊諳山、自道誰相及、一作邀予試往還、

贈韋山人

失意成逋客、終一作年獨掩扉、無機狎鷗慣、多病見人稀、
流水知行藥、孤雲伴採薇、空齋莫閑笑、一作暮一作心事與時
違、

濬公院懷舊

遠公傳教卑、身沒向他方、弔客來何見、門人閉影堂、紗
燈臨古砌、塵札在空牀、寂寞疎鐘後、秋天有夕陽、

雨中宿義興寺

送夜宿東林、蟲聲階草深、高風初落葉、多雨未歸心、家
國身猶負、星霜鬢已侵、滄洲縱不去、何處有知音、

送王祕書歸江東

迴首望知音、逶迤桑柘林、人歸海郡遠、路入雨天深、萬
木經秋葉、孤舟向暮心、唯餘江畔草、應見白頭吟、

渭上送李藏器移家東都

求名雖一作須有據、一作援學稼一作道又無田、一作綠故國三千里、新春
五十年、移家還作客、避地莫知賢、洛浦今何處、風帆去
渺然、

春尋柳先生

御定全唐詩、八四、耿溥一、雙峰書屋

言是商山老、塵心莫問年、白髯垂策短、烏帽據梧偏、酒
熟飛巴雨、丹成見海田、疎雲披遠水、景動石牀前、

題藏公院

古院林公住、疎篁近井桃、俗年人見少、禪地自知高、
草物誠多喻、滄溟在一毫、仍悲次宗輩、塵事日爲榮、

夏夜西亭即事寄錢員外

高亭賓客散、暑夜醉相和、細汗迎疑衣集、微涼待扇過、
風還池色定、月晚樹陰多、遙想隨行者、珊珊動曉珂、

與清江上人及諸公宿李八昆季宅

湯公多外友、洛社自相依、遠客還登會、秋懷欲忘歸、
驚風林果少、驟雨砌蟲稀、更過三張價、東遊愧陸機、

春日即事

鄰里朝光徧，披衣夜醉醒。
庖廚非舊火，林木發新青。
接果移天性，疏泉逐地形。
清明來幾日，戴勝已堪聽。

秋夜會宿李永宅憶江南舊遊

偶宿俱南客，相看喜盡歸。
湖山話不極，歲月念空違。
子夜高梧冷，秋陰遠漏微。
那無此良會，惜在謝家稀。

冬夜尋李永因書事贈之

棲遑偏降志，疵賤倍修身。
近覺多衰鬢，深知獨故人。
天垂五夜月，霜覆九衢塵。
不待逢沮溺，而今惡問津。

立春日宴高陵任明府宅

春灰今變候，密雪又霏霏。
坐客同心滿，流年此會稀。
風

成空處亂素積夜來飛且共銜盃酒陶潛不得歸

春白遊慈恩寺寄暢當

浮世今何事空門此諦真死生俱是夢哀樂詎關身
遠草光連水春篁色離塵當從庾中庶詩客更何人

晚秋過蘇少府

九江迷去住羣吏且因依高木秋垂露寒城暮掩扉
隨雲心自遠看草伴應稀肯信同年友相望青瑣闈

登鶴雀樓

久客心常醉高樓日漸低黃河經海內華嶽鎮關西
去遠千帆小來遲獨鳥迷終年不得意空覺負東溪

賦得沙上雁

衡陽多道里，弱羽復哀音。還塞知何日，驚弦亂此心。夜
陰前侶遠，秋冷後湖深。獨立汀洲意，寧知一作夏霜霰侵。

夜尋盧處士

月高雞犬靜，門掩向寒塘。夜竹深茅宇，秋庭冷石牀。住
山年已遠，服藥壽偏長。虛棄如吾者，逢君益自傷。

邠州留別

終歲山川路，一作長路生涯總一作竟幾一作若何。艱難為客慣，貧賤

受恩多。暮角寒山色，秋風遠水波。一作暮角飄長無人見，惆

悵垂鞵入煙蘿。一作懸愁茂陵
宅春色又相過

贈張將軍一作開府

寥落軍城暮，重門返照間。鼓鼙經雨暗，土馬過秋閑。慣

御定全書卷一 四 歌障一 上 雙峰書室

守臨邊郡、曾營近海、一作山關西舊業在、夜夜夢中還、一作

誰云張校尉
萬里鬻金先還

贈隱公 一作贈
隱上人

世間無近遠、定裏徧曾過、東海經長在、南朝寺最多、暮
年聊一作化俗、初地即一作摧魔、今日忘塵慮、看心義若何、

贈別安邑韓少府

予真能自在、一作江海意何如、門掩疎塵吏、心閑閱道書、
古城寒欲雪、遠客暮無車、杳杳思前路、誰堪千里餘、

送胡校書秩滿歸河中

古樹汾陰、一作道悠悠、東去長位卑、仍解印、身老又得還、
鄉河水平、秋岸關門向夕、陽音書須數附、一作莫學晉嵇

康

送河中張胄曹往太原計會迴

北風長至遠四牡向幽并衰木新田路寒蕪故絳城遙聽邊上信遠計朔南程料變當臨事遙知外國情

送郭正字歸郢上

濟江篇已出一作上書府俸猶貧積雪商山道全家楚塞人

大堤逢落日廣漢望通津却別一作到漁潭下驚鷗那可一作

肯親

題李孝廉書房

野情專易外一作商書傳易教一室向青山業就三編絕心通萬事

閑鶯稀一作啼春木上草徧暮堦一作傷間莫道歸一作有繡在來

御定全唐詩 四 耿漳 上 雙峰書屋

時棄故關

酬暢當

同遊潦沮後、已是十年餘、幾度曾相夢、何時定得書、月
高城影盡、霜重柳條疎、且對尊中酒、千般想未如、

留別解縣韓明府一作別解明府

閑人州縣厭、賤士友朋譏、朔雪逢初下、秦關獨暮歸、寒
茅一作燕下一作上原、殘雪一作燒過、風微一路、何相慰、唯君能政

稀一作致歸

遊鍾山紫芝觀

繫舟仙宅下、清磬落春風、雨數芝田長、雲開石路重、古
房清磴接深殿、紫烟濃鶴駕、何時去遊人、自不逢

晚秋宿裴員外寺院

得逢字

仲言多麗藻，晚水獨芙蓉。
梁苑仍秋過，仁祠又夜逢。
回林通暗竹，去雨帶寒鐘。
願向空門裏，修持比畫龍。

一作畫

秋夜喜盧司直嚴少府訪宿

寂寂閉層城，悠悠此夜情。
早涼過鬢髮，秋思入柴荆。
嚴子多高趣，盧公有盛名。
還如杜陵下，暫拂蔣元卿。

下邳客舍喜叔孫主簿鄭少府見過

良宵復杪秋，把酒說羈遊。
落木東西別，寒萍遠近流。
蕭條旅館月，寂歷曙更籌。
不是仇梅至，何人問百憂。

盤屋客舍

寥寂荒壘下，客舍雨微微。
門見苔生滿，心慙吏到稀。
籬

花看未發、海燕欲先歸、無限堪惆悵、誰家復擣衣、

宿韋員外宅

傳經韋相後、賜筆漢家郎、幽閣諸生會、寒宵幾刻長、座
中燈泛酒、簷外月如霜、人事多飄忽、邀歡詎可忘、

登沃州山

沃州初望海、攜手盡時髦、小暑開鵬翼、新賞長鷺濤、月
如芳草遠、身比夕陽高、羊祜傷風景、誰云異我曹、

宿岐山姜明府廳

暝色休羣動、秋齋遠客情、細風和雨氣、寒竹度簾聲、日
覺蹉跎近、天教嬾慢成、誰能謁卿相、朝夕笑浮榮、

上巳日

共來修禊事、內顧一悲翁、玉鬢風塵下、花林絲管中、故
山離水石、舊侶失鷓鴣、不及遊魚樂、裴回蓮葉東、

登樂遊原

園廟何年廢、登臨有故丘、孤村連日靜、多雨及霖休、常
與秦山對、曾經漢主遊、豈知千載後、萬事水東流、

題惟幹上人房

繩牀茅屋下、獨坐味閑安、苦行無童子、忘機避宰官、是
非齊已久、夏臘比應難、更悟真如性、塵心稍自寬、

會鳳翔張少尹南亭

遠過張正見、詩興自依依、西府軍城暮、南庭吏事稀、草
簷宜日過、花圃任煙歸、更料重關外、羣僚候啟扉、

早春宴高陵滑少府

得昇字

且寬沈簿領、應賴酒如澠、春夜霜猶下、東城月未昇、清
言饒醉客、亂舞避寒燈、名字書仙籍、諸生病未能、

寒風採花蕊

遊颺下晴空、尋芳到菊叢、帶聲來蕊上、連影一作影在香中、
去住霑餘霧、高低任過風、終慙異蝴蝶、不與夢魂通、

題楊著別業

柳巷向陂斜、回陽噪亂鴉、農桑子雲業、書籍蔡邕家、暮
葉初翻砌、寒池轉露沙、如何守儒行、寂寞過年華、

送太僕寺李丞過都到桃林塞

遠過桃林塞、休年自昔聞、曲河隨墓草、重阜接閑雲、

父爲周御、詹嘉守晉軍、應多懷古思、落葉又紛紛、

宋中

百戰無軍食、孤城陷虜塵、爲傷多易子、翻弔淺爲臣、漫
漫東流水、悠悠南陌人、空思前事往、向曉淚霑巾、

陪讌湖州公堂

謝公爲楚郡、坐客是瑤林、文府重門奧、儒源積浪深、壺
觴邀薄醉、笙磬發高音、末至才仍短、難隨白雪吟、

尋覺公因寄李二端司空十四曙

少年嘗味道、無事日悠悠、及至悟生死、尋僧已白頭、雲
迴廬、瀑雨樹、落給園、秋爲我、謝宗許、塵中難久留、

送郭秀才赴舉

鄉賦鹿鳴篇君爲貢士先新經夢筆夜纔比棄孺年海
雨沾隋柳江湖赴楚船相看南去雁一作離恨倍潸然

送王閏一作潤

相送臨漢一作寒水愴然望故關江蕪連夢澤楚雪入南山
語我他年舊看君此日還因將自悲淚一灑別離間

送蜀客還

萬峯深積翠路向此中難欲暮多羈思因高莫遠看卓
家人寂寞揚子業荒殘唯見岷江水悠悠帶月寒

送海州盧錄事

之官逢計吏風土問如何海口朝陽近青州春氣多郊

原鵬影到樓閣蜃雲和損益關從事期聽勞者歌

登鍾山館

匹馬宜春路蕭條背館心
澗花寒夕雨潭水黑朝林
野市魚鹽隘江村竹葦深
子規何處發青樹滿高岑

秋日

一作落

照耀天山外飛鷗幾共過
微紅拂秋漢片白透長波
影促寒汀薄光殘古木多
金霞與雲氣散漫復相和

贈苗員外

爲郎日賦詩小謝少年時
業繼儒門後心多道者期
晚一作曉迴長樂殿新出夜一作永明祠
行樂西園暮春風動柳絲

詣順公問道

此身知是妄遠遠詣支公
何法住持後能逃生死中

苔經古徑蘚葉滿疎叢方便如開誘南宗與北宗

廢慶寶寺 一作司空曙詩

黃葉前朝寺無僧寒一作閑殿開池晴龜出暴松暝鶴飛迴

古井一作砌碑橫草陰廊畫雜苔禪宮亦銷一作衰歇塵世轉堪

哀

赴許州留別洛中親故

淳風今變俗末學誤為文幸免投湘浦那辭近汝墳山

遮魏闕路日隱洛陽雲一作誰念聯翩翼烟中獨失羣

送葉尊師歸處州

風馭南行遠長山與夜江羣祆離分野五嶽拜旌幢石

髓調金鼎雲漿寶玉缸祈祈吠聲曉洞府有仙厖

全唐詩

耿漳

酬張少尹秋日鳳翔西郊見寄

鼎氣孕河汾英英濟舊勲劉生曾任俠張率自能文官
佐征西府名齊將上軍秋山遙出浦野鶴暮離羣遠恨
邊笳起勞歌騎吏聞廢關人不到荒戍日空曠草木涼
初變陰晴景半分疊蟬臨積水亂燕入過一作高雲麗藻終
思我衰髯亦爲君閑吟寡和曲庭葉漸紛紛

春日書情寄元校書伯和相國元子

數歲平津邸諸生出門一作問時羈孤力行早疎賤託身遲
芳草看無厭青山到未期貧居悲老大春日一作上茅茨衛

玳瓊瑤色玄成鼎，龜姿友朋漢相府。兄弟謝家詩律合，
聲雖應勞歌調自悲。流年不可住，惆悵鏡中絲。

春送崔侍御和蕃

萬里華戎隔風沙，道路秋新恩明主。啟舊好使臣修旌，
節隨邊草關山見。戍樓俗殊入左袵，地遠水西流日暮。
冰先合春深雪未休，無論善長對博望自封候。

春日即事

芳菲那變易，年鬢自蹉跎。室與千峯對，門唯二仲過。宦
情知己少，生事託人多。草色微風長，鶯聲細雨和。幾時
猶滯拙，終日望恩波。縱欲論相報，無如漂母何。

仙山行

深溪人不到杖策獨緣源花落尋無徑雞鳴覺近村
數翁皆薜草對奕復傾尊看畢初爲局歸逢幾世孫
雲迷入洞處水引出山門惆悵歸城郭樵柯迹尙存

得贄後書懷上第五相公

誰語恓惶客偏承顧盼私應逾骨肉分敢忘死生期
山懸唯荒壘雲屯盡老師庖人寧自代食藥謬相推黃綬
名空罷青春鬢又衰還來掃門處猶未報恩時
獨立花飛滿無言月下遲不知丞相意更欲遣何之

入塞曲

將軍帶十圍重錦製戎衣
援臂銷弓力虬鬚長劍威
首登平樂宴新破大宛歸
樓上誅姬笑門前問客稀
暮烽

玄兔急秋草紫騮肥未奉君王詔高槐晝掩扉

送姚校書因歸河中

十年相見少一歲又還鄉去住人惆悵東西路渺茫古

陂無茂草高樹有殘陽委棄秋來一作黍稻彫疎採後桑月

輪生舜廟河水出一作關牆明日過閭里光輝芸閣郎一作香

題清源寺即王右丞故宅

儒墨兼宗道雲泉隱舊一作廬孟城今寂寞輞水自紆餘

內學銷多累西林一作易故居深房春竹老細雨夜鐘疎

陳跡留金地遺文在石渠不知登座客誰得一作蔡邕書

奉送蔣尙書兼御史大夫東都留守

副相威名重春卿禮樂崇錫珪仍拜下分命遂居東高

旆翻秋日清
鏡引細風蟬
稀金谷樹草
徧德陽宮教
用儒門儉兵
依武庫雄誰
云千載後周
召獨爲公

喜侯十七校書見訪

東城獨屏居
有客到吾廬
發廩因春黍
開畦復翦蔬
許酣令乞酒
辭窶任無魚
徧出新成句
更通未悟書
藤絲秋不長
竹粉雨仍餘
誰爲一作謂須張燭
涼空有望舒

晚春青門林亭燕集

都門連騎出
東野柳如絲
秦苑看山處
王孫逐草時
歡遊難再得
衰老是前期
林靜鶯啼遠
春深日過遲
落花今夕思
秉燭古人詩
對酒當爲樂
雙杯未可辭

晚秋東遊寄猗氏第五明府解縣韓明府

御定全唐詩 四 十冊
步出青門去疎鐘隔上林四郊多難日千里獨歸心暮
鳥聲偏苦秋雲色易陰亂墳松柏少野徑草茅深灞浹
袁安履汾南宓賤琴何由聽白雪祇益淚霑襟

奉和元承

一作

杪秋憶終南舊居

白玉郎仍少羊車上路平秋風搖遠草舊業起高情亂
樹通秦苑重原接杜城溪雲隨暮淡野水帶寒清廣樹
一作留峯翠閉門響葉聲近樵應已燒多稼又新成解佩
從休沐承家豈退耕恭侯有遺躅何事學泉明

晚夏即事臨南居

何須學從宦其柰本無機蕙草芳菲歇青山早晚歸廣
庭餘落照高枕對閑扉樹色迎秋老蟬聲過雨稀艱難

逢事異去就與時違遙憶衡門外蒼蒼三徑微

省試驪珠詩

是日重泉下言探徑寸珠龍鱗今不逆魚目也應殊掌
上星初滿盤中月正孤酬恩光莫及照乘色難踰欲問
投人否先論按劍無儻憐希代價敢對此冰壺

元日早朝

九陌朝臣滿三朝候鼓賒遠珂時接韻攢炬偶成花紫
貝爲高闕黃龍建大牙參差萬戟合左右入貂斜羽扇
紛朱檻金鑪隔翠華微風傳曙漏曉日上春霞環珮聲
重疊蠻夷服等差樂和天易感山固壽無涯渥澤千年
聖車書四海家盛明多在位誰得守蓬麻

送歸中丞使新羅

一本題下有册
立品祭四字

遠國通王化儒林得使臣

一作六立

君成典册萬里

一作行帶奉絲

綸雲水連孤棹恩私在一身悠悠龍節去渺渺蜃樓新

望裏行還

一作仍

暮波中歲又春昏明看日御

一作脚
又作色

靈怪問

舟人城邑分華夏衣裳擬縉紳他時禮命畢歸路勿

一作不

迷津

贈興平鄭明府

海內兵猶在關西賊未均仍勞持斧使尙宰茂陵人遙

夜重城掩清宵片月新綠琴聽古調白屋被深仁跡與

儒生合心惟靜者親深情先結契薄宦早趨塵貧病休

何日艱難過此身悠悠行遠道冉冉過

一作過

良辰明主知

封事長沮笑問津棲遑忽相見欲語淚霑巾

和王懷州觀西營秋射

得寒字

謝公親校武草碧露漫漫落葉停高駕空林滿從官迎
籌皆疊鼓揮箭或移竿名借三軍勇功推百中難主皮
山郡晚飲筭柳營寒明日開鈴閣新詩雙玉盤

晚登虔州郎事寄李侍御

章溪與貢水何事會波瀾萬里歸人少孤舟行路難春
光浮曲浪暮色隔連灘花發從南早江流向北寬故交
參盛府新角聳危冠楚劍期終割隋珠惜未彈酒醒愁
轉極別遠淚初乾願保喬松質青青過大

一作寒

奉和第五相公登鄱陽郡城西樓

茂德爲邦久豐貂舊相尊發生傳雨露均養助乾坤曉

肆登樓日春一作銷戀闕覓女牆分吏事遠一作道啟津

門盈浦潮聲盡鍾陵暮色繁夕陽移夢土芳草接湘源

封內羣毗復兵間百賦存童牛耕廢畝壕木一作遶新村

野步漁聲一作溢荒祠鼓舞喧高齋成五字遠岫發孤猿

一顧承英達多榮及子孫家貧仍受賜身老未酬恩屬

和瑤華曲堪將繫組綸

甘泉詩并序

甘泉美良牧也覃懷舊水鹹鹵人多祲作患天愆

遺甦是生王公惠和既敷妙用潛應頃修壘虞冠

鑿井便漑忽遇醴泉香羨若飴遂命水工浚深餘

泥蒼欄備綆維人所欲萬餅繼絜道路紛紛既蠲
諸邪亦愈羣瘵豈止夫宜盥漱之用增烹飪之味
客乃率然遂賦茲什

異井甘如醴深仁遠未涯氣寒堪破暑源淨自蠲邪修
綆懸冰登新桐在梧蔭玉沙帶星凝曉露拂霧湧秋華綠
溢涵千仞清洽飲萬家何能葛洪宅終日閉煙霞

發綿津驛

孤舟北去暮心傷細雨東風春草長杳杳短亭分水陸
隆隆遠鼓集漁商千叢野竹連湘浦一派寒江下吉陽
欲問長安今遠近朝年一作塞雁有歸行

塞上曲

即定金唐長
四
耿漳二
三
雙峰書室

慣習干戈事鞍馬初從小在邊城身微久屬千夫長
家遠多親五郡兵嬾說疆場曾大獲且悲年鬢老長征
塞鴻過盡殘陽裏樓上悽悽一作鳴暮角聲

路旁老人

老人獨坐倚官樹欲語潛然淚便垂陌上歸心無產業
城邊戰骨有親知餘生尚在艱難日長路多逢輕薄兒
綠水青山雖似舊如今貧後復何為

贈別劉貞外長卿

清如寒玉直如絲世故多虞事莫期建德津亭人別夜
新安江水月明時為文易老皆知苦謫宦無名倍足悲
不學朱雲能折檻空羞獻賦在丹墀

宿萬固

一作同

寺因寄嚴宮闕

曉隨樵客到青冥，因禮山僧宿化城。
鐘梵已休初入定，有無皆離本難名。
雲開半夜千林靜，月上中峰萬壑明。
爲報故人雷處士，塵心終日自勞生。

岐陽客舍呈張明府

逸妻稚子應溝壑，歸路茫茫東去遙。
涼葉下時心悄悄，空齋夢裏雨蕭蕭。
星霜漸見侵華髮，生長虛聞在聖朝。
知己只今何處在，故山無事別漁樵。

奉和李觀察登河中白樓

城上高樓飛鳥齊，從公一遂躡丹梯。
黃河曲盡流天外，白日輪輕一作傾落海西。
玉樹九重長在夢，雲衢一望杳如

迷何心更和陽春奏、况復秋風聞戰鼙。

朝下寄韓舍人

侍臣鳴珮出西曹、鸞殿分階翊綵旄、瑞氣迴浮青玉案、
日華遙上赤霜袍、花間焰焰雲旗合、鳥外亭亭露掌高、
肯念萬年芳樹裏、隨風一葉在蓬蒿。

駕李觀察禱河神降雨

質明齋祭北風微、騶馭千羣擁廟扉、玉帛纒敷雲淡淡、
笙簫未撤雨霏霏、路邊五稼添膏長、河上雙旌帶溼歸、
若出敬亭山下作、何人敢和謝玄暉。

上將行

一作上表
行軍中丞

蕭關掃定犬羊羣、一作胡塵已
滅天山外、閉閣層城白日陰、一作陰
陰日復、曛櫪上

驂騑嘶鼓角門前老將識風雲旌旗四面寒山映一作高秋見

絲管一作竹千家靜夜聞誰道古來多簡冊一作藥功臣一作成唯有

衛一作將軍一作更想他時看竹肩功成不獨霍將軍

許下書情寄張韓二舍人

謫宦軍城老更悲近來頻夜夢丹墀銀杯乍滅心中火

金鑷唯多鬢上絲一作乍然乍滅繞院一作發綠苔聞雁處

滿庭黃葉閉門時故人高步雲衢上肯念前程杳未期

九日

重陽寒寺滿秋梧客在南樓顧老夫步蹇強登遊藻井

髮稀那更插茱萸橫空過雨千峰出大野新霜萬葉枯

一作萬更望尊中菊花酒殷勤能得幾回沽

送大谷高少府

縣屬并州北近胡悠悠此別宦仍孤應知史筆思循吏
莫料轅門笑魯儒古塞草青宜牧馬春城月暗好啼烏
彫殘貴有親仁術梅福何須去隱吳

同李端春望

二毛羈旅尙迷津萬井鶯花雨後春官闕參差當晚日
山河迤邐靜纖塵和風醉裏承恩客芳草歸時失意人
南北東西各自去年年依舊物華新

嶽祠送薛近貶官

枯松老柏仙山下白帝祠堂枕古達遷客無辜祝史告
神明有喜女巫知遙思桂浦人空去遠過衡陽雁不隨

度嶺梅花翻向北、回看不見樹南枝。

送友人遊江南

遠別悠悠白髮新、江潭何處是通津。
潮聲偏懼初來客、海味唯甘久住人。
漠漠煙光前浦晚、青青草色定山春。
汀洲更有南迴雁、亂起聯翩北向秦。

長門怨

聞道昭陽宴、頻蛾落葉中。
清歌逐寒月、遙夜入深宮。

秋日

反照入閨巷、憂來與誰一作愁語。
古道無一作少人行、秋風動

禾黍

秋夜

雙峰書室

高秋夜分後，遠客雁來時。寂寞重門掩，無人問所思。

慈恩寺殘春

雙林花已盡，葉色占殘芳。若問同遊客，高年最斷腸。

早次睢_{一作解}縣界

疋馬曉路_{一作言}歸悠悠，濁川道暗山向孤。城秋日滿白草

路傍墓

石馬雙雙當古樹，不知何代公侯墓。墓前靡靡_{一作靡}春草

深，唯有行人看碑路。

代園中老人

傭賃難_{一作誰}堪一老身，皤皤力役在青春。林園手種唯吾

事，桃李成陰歸別人。

古意

雖言千騎上頭居
一世生離恨有餘
葉下綺窗銀燭冷
含啼自草錦中書

涼州詞

國使翩翩隨旆旌
隴西岐路足荒城
羶裘牧馬胡雛小
日暮蕃歌三兩聲

安邑王校書居

秋來池館清夜聞
宮漏聲迢遞玉山迴
泛灩銀河傾琴
上松風至窗裏竹煙生
多君不家食孰云事巖耕

登總持寺閣

今日登高閣三休
忽自悲因知筋力減
不及往年時草

樹還如舊山河亦在茲龍鍾兼老病更有重來期

寄錢起

一作司空曙詩

草長花落樹羸病強尋春無復少年意空餘華髮新青
原高見水白社靜逢人寄謝南宮客軒車不見親

宿青龍寺故曇上人院

年深宮院在閒客自相逢閉戶臨寒竹無人
有夜鐘降龍今已去巢鶴竟何從坐見繁星曉
淒涼識舊峯

新蟬

一作司空曙詩

今朝蟬忽鳴遷客若爲情便覺一年謝能令萬感生微
風方滿樹落日稍沈城爲問同懷者淒涼聽幾聲

秋中雨田園即事

漠漠重雲暗蕭蕭密雨垂爲霖淹古道積日滿荒陂五
稼何時穫孤村幾戶炊亂流發通圃腐葉著秋枝暮爨
新樵涇晨漁舊浦移空餘去年菊花發在東籬

拜新月

一作李
端詩

開簾見新月便即下階拜細語人不聞北風吹裙帶

客行贈人

旅行雖別路日暮各思歸欲下今朝淚知君亦溼衣

贈山老人

白首獨一身青山爲四隣雖行故鄉陌不見故鄉人

贈胡居士

孔融過五十海內故人稀相府恩猶在知君未拂衣

薦福寺送元偉

送客攀花後尋僧坐竹時
明朝莫回望青草馬行遲

觀鄰老栽松

雖過老人宅不解老人心
何事斜陽裏栽松欲待陰

哭翹象

一作司空曙詩

憶昨秋風起君曾歎逐臣
何言芳草日自作九泉人

哭苗垂

舊友無由見孤墳草欲長
月斜鄰笛盡車馬出山陽

題雲際寺故僧院

白髮恩恩色青山草草心
遠公仍下世從此別東林

句

高樹多涼吹疎蟬足斷聲

見海錄碎事

或豈

卷之五 荆楚集五卷今編詩三卷

塞下曲

朔寒日沒北風卷蓬根將移領渡兵鄰人古

相陰山殺氣成黃雲

夜出軍雷言與人肉

必無草木石為巢僅成吹沙漢空終日胡風吹

西

高樹參天如刺戟風瀾聲

車年
且所疑

全唐詩

戎昱

戎昱荆南人登進士第衛伯玉鎮荆南辟爲從事建中
中爲辰虔二州刺史集五卷今編詩一卷

塞下

上一作曲

慘慘寒日沒北風卷蓬根將軍領疲兵却入古塞門回
頭指陰山殺氣成黃雲

上山望胡兵胡馬馳驟速黃河水已合意又向南牧嫖
姚夜出軍霜雪割人肉
塞北無草木烏鳶巢僵屍泱泱沙漠空終日胡風吹戰
卒多苦辛辛無四時

晚渡西海西向東看日沒傍岸砂礫堆半和戰兵骨單

于竟未滅陰氣常勃勃

城一作樓

上畫角哀則一作

知兵心苦試問左右人無言淚如

雨何意休明時終年事鼙鼓

北風凋白草胡馬日駸駸夜後戍樓月秋來邊將心鐵

衣霜露一作雪

重戰馬歲年深自有盧龍塞煙塵飛至今

苦哉行五首

寶應中過滑州浴陽後同王季友作

彼鼠侵我厨縱狸授梁肉鼠雖爲君却狸食自須足冀

雪大國恥翻是大國辱羶腥逼綺羅塼瓦雜珠玉登樓

非騁望目笑是心哭何意天樂中至今奏胡曲

官軍收洛陽家住洛陽里夫婿與兄弟目前見傷死吞

聲不許哭還遣衣羅綺上馬隨匈奴數秋黃塵裏生爲
名家女死作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花曆昔
年買奴僕奴僕來碎葉豈意未死間自爲匈奴妾一生
忽至此萬事痛苦業得出塞垣飛不如彼蜂蝶

妾家清河邊七葉承貂蟬身爲最小女偏得渾家憐親
戚不相識幽閨十五年有時最遠出祇到中門前前年
狂胡來懼死翻生至今秋官軍至豈意遭戈鋌匈奴爲
先鋒長鼻黃髮拳彎弓獵生人百步牛羊羶脫身落虎
口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劍攪妾心腸間出

戶望北荒迢迢玉門關生人爲死別有去無時還漢月
割妾心胡風凋妾顏去去斷絕魂叫天天不聞

苦辛行

且莫奏短歌聽余苦辛詞如今刀筆士不及屠沽兒少
年無事學詩賦豈意文章復相悞東西南北少知音終
年竟歲悲行路仰面訴天天不聞低頭告地地不言天
地生我尙如此陌上他人何足論誰謂西江深涉之固
無憂誰謂南山高可以登之遊險巖唯有世間路一晌
令人堪白頭貴人立意不可測等閑桃李成荆棘風塵
之士深可親心如雞犬能依人悲來却憶漢天子不棄
相如家舊貧勸君且飲酒酒能散羈愁誰家有酒判一

醉萬事從他江水流

長安秋夕

一作中秋感懷

八月更漏長愁人起常早閉門寂無事滿院

一作地

生秋草

昨宵西

一作北

窗夢夢入荆南

一作門

道遠客歸去來在家貧亦

好

羅江客舍

山縣秋雲闇茅亭暮雨寒自傷庭葉下誰問客衣單有

興時添酒

一作開卷

無聊嬾整冠近來鄉國夢夜夜到長安

贈岑郎中

童年未解讀書時誦得郎中數首詩四海煙塵猶隔闕

十年魂夢每相隨

一作思

雖披雲

一作欣披

霧逢迎疾已恨趨風拜

德一作識遲天下無人鑒詩句不尋詩伯重一作更尋誰

聞笛一作李益詩

入夜思歸切、笛聲清一作寒更哀、愁人不願聽、自到枕前一作邊

來風起塞雲、斷夜深關月開、平明獨惆悵、飛盡一庭梅

漢上題韋氏莊

結茅同楚客、卜築漢江邊、日落數歸鳥、夜深聞扣舷、水

痕侵岸柳、山翠借廚煙、調笑提筐婦、春來蠶幾眠

閨情

側聽官官說、知君寵尚存、未能開笑頰、先欲換愁魂、寶

鏡窺粧影、紅衫裊淚痕、昭陽今再入、寧敢恨長門

衡陽春日遊僧院

曾共劉諮議同時事道林與君相掩淚來客豈知心
雪凌春積爐煙向暝深依然舊童子相送出花林

玉臺體題湖上亭

湖入縣西邊湖頭勝事偏綠竿初長笋紅顆未開蓮
蔽日高高樹迎人小小船清風長入坐夏月似秋天

早梅

一樹寒梅白玉條迴臨村路傍溪橋應緣一作不知近水花先
發疑是經春一作冬雪未銷

移家別湖上亭

好是一作去春風湖上亭柳條藤蔓繫離情黃鶯久住渾相
識欲別頻啼四一作三五聲

客堂秋夕

隔窗螢影滅復流北風微雨虛堂秋蟲聲竟夜引鄉淚

蟋蟀何自知人

一作知人自

愁四時不得一日樂以此方悲客

遊惡

一作坐落

寂寂江城無所聞梧桐葉上偏蕭索

湖南雪中留別

草草還草草湖東別離早何處愁殺人歸鞍雪中道出門迷轍跡雲水白浩浩明日武陵西相思鬢堪老

贈別張駙馬

上元年中長安陌見君朝下欲歸宅飛龍騎馬三十匹

一作

玉勒雕鞍照初日數里衣香遙撲人長衢雨歇無纖

塵從奴斜抱勅賜錦雙雙蹙出金麒麟天子愛堦皇后

弟獨步明時負權勢一身扈蹕承殊澤甲第朱門聳高
戟鳳凰樓上伴吹簫鸚鵡杯中醉留客泰去否來何足
論宮中晏駕人事翻一朝負譴辭丹闕五年待罪湘江
源冠冕淒涼幾遷改眼看桑田變成海華堂金屋別賜
人細眼黃頭總何在渚宮相見寸心悲嬾欲今時問昔
時看君風骨殊未歇不用愁來雙淚垂

涇州觀元戎出師

寒日征西將蕭蕭萬馬叢吹笳覆樓雪祝纛滿旗風遮
虜黃雲斷燒羌白草空金鏡肅天外玉帳靜霜中朔野
長城閉河源舊路通衛青師自老魏絳賞何功槍壘依
沙迴轅門壓塞雄燕然如可勒萬里願從公

從軍行

昔從李都尉雙鞬照馬蹄
擒生黑山北殺敵黃雲西
太白沈虜地邊草復萋萋
歸來邯鄲市百尺青樓梯
感激然諾重平生膽力齊
芳筵暮歌發豔粉輕鬟低
半酣一作醉秋風起鐵騎門前嘶
遠戍報烽火孤城嚴鼓鼙
揮鞭望塵去少婦莫含啼

古意

女伴朝來說知君欲棄捐
嬾梳明鏡下羞到畫堂前
有淚霑脂粉無情理管弦
不知將巧笑更遣向誰憐

聽杜山人彈胡笳

一本題下有歌字

綠琴胡笳誰妙彈
山人杜陵名庭蘭
杜君少與山人友

山人沒來今已久當時海內求知音囑付胡笳入君手
杜陵功琴四十年琴聲在音不在弦座中爲我奏此曲
蒲堂蕭颺如窮邊第一第二拍淚盡蛾眉沒蕃客更聞
出塞入塞聲穹廬氊帳難爲情胡天雨雪四時下五月
不曾芳草生須臾促軫變宮徵一聲悲兮一聲喜南看
漢月雙眼明却顧胡兒寸心死迴鶻數年收洛陽洛陽
士女皆驅將豈無父母與兄弟聞此哀情皆斷腸杜陵
先生證此道沈家祝家皆絕倒如今世上雅風衰若箇
深知此聲好世上愛箏不愛琴誰明此調難知音今朝
促軫爲君奏不向俗流傳此心

詠史

一作和蕃

漢家青史上計拙是和親社稷依明主安危託婦人豈
能將王貌使擬靜胡一作煙塵地下千年骨誰爲輔佐臣

桂州臘夜

坐到三更盡歸仍萬里賒雪聲偏傍竹寒夢不離家曉
角分殘漏孤燈落碎花二年隨驃騎辛苦向天涯

再赴桂州先寄一作上李大夫

玷玉甘長棄朱門喜再遊過因讒後重恩合死前酬養
驥須憐瘦栽松莫厭秋今朝兩行淚一半血和流

題招提寺

招提精舍好石壁向江開山影水中盡鳥聲天上來一

燈傳歲月深院

一作殿

長莓苔日暮雙林磬泠泠

一作玲

送客向

謫官辰州冬至日懷

去年長至在長安策杖曾簪獬豸冠此歲長安逢至日
下堦遙想雪霜寒夢隨行伍朝天去身寄窮荒報國難
北望南郊消息斷江頭唯有淚闌干

贈韋況徵君

身欲逃名名自隨鳳銜丹詔降茅茨苦節難違天子命
貞心唯有老松知回看藥竈封題密強入蒲輪引步遲
今日巢由舊冠帶聖朝風化勝堯時

送吉州閩使君入道二首

聞道桃源去塵心忽自悲余當從宦日君是棄官時金
派封仙骨靈津燕玉池受傳三籙備起坐五雲隨洞裏

花常發人間鬢易衰他年會相訪莫作爛柯棊

廬陵太守近隳官霞

一作月

帔初朝五

一作玉

帝壇風過鬼神延

一作迎

受錄夜深龍虎衛燒丹冰容入鏡纖埃靜玉液添

一作傾

餅漱齒寒莫遣桃花迷客路千山萬水訪君難

入劔門

劔門兵革後萬事盡堪悲鳥鼠無巢穴兒童話別離
山川同昔日荆棘是今時征戰何年定家家有畫旗

過商山

雨暗商山過客稀路傍孤店閉柴扉卸鞍良久茅簷下

待得巴

一作主

人樵採歸

閨春宴花溪嚴侍御莊

一團青

一作春

翠色云是子陵家山帶新晴雨溪留閨月花

瓶開巾漉酒地坼筍抽芽綵縵

一作何幸

承顏面

一作服

朝朝賦

一作奏

白華

歲暮客懷

異鄉三十口親老復家貧無事乾坤內虛爲翰墨人歲
華南去後愁夢北來頻惆悵江邊柳依依又欲春

秋望興慶宮

先皇歌舞地今日未遊巡幽咽龍池水淒涼御榻塵隨
風秋樹葉對月老宮人萬事如桑海悲來欲慟

一作神動

送鄭鍊師貶辰州

長州萬里外想得逐臣心謫去刑名枉人間痛惜深誤

將瑕指玉遂使謾一作傍消金計日西歸在休爲澤畔吟

雲夢故城秋望

故國遺墟在登臨想舊遊一朝人事變千載水空流夢

渚鴻聲

一作毛

晚

一作鷗飛晚

荆門樹色秋片雲凝不散遙挂望鄉

愁

秋日感懷

洛陽岐路信悠悠無事辭家兩度秋日下未馳千里足
天涯徒泛五湖舟荷衣半浸綠鄉渡玉貌潛銷是客愁
說向長安親與故誰憐歲晚尙淹留

送王明府入道

何事陶彭澤明時又挂冠爲耽泉石趣不憚薜蘿寒輕

雪籠紗帽孤猿傍，醮壇懸懸一作思老松下，金竈夜燒丹。

秋月一作江城秋夜

江干入夜杵聲秋，百尺疎桐挂斗牛，思苦自看緣作明月，苦人愁不是月華愁。

賊得鐵馬鞭

成器雖因匠，懷剛本自天，為憐持寸節，長擬靜三邊，未入英髦用，空存鐵石堅，希君剖腹取，還解抱龍泉。

聞顏尙書陷賊中

聞說一作傳道征南沒，那堪故吏聞，能持蘇武節，不受馬超勳，國破無家一作人信，天秋有鴈羣，同榮不同辱，今日負將軍。

送蘇參軍

憶昨青襟醉裏分酒醒回首愴離羣舟移極浦城初掩
 山東長江日早曛客一作老來有恨空思德別後誰人更議
 文常歎蘇生官太屈應緣才似鮑叅軍

成都元十八侍御

不見元生已數朝浣花溪路去非遙客舍早知渾寂寞
 交情豈謂更蕭條空有寸心思會面恨無單酌遣相邀

驕驄一作驕幸自能馳驟何惜揮鞭過柞橋

觀衛尚書九日對中使射破的

盛宴傾黃菊殊私降紫泥月營開射圃霜旆拂晴霓出
 將三朝貴彎弓五善齊腕迴金鏃滿的破綠弦低勇氣

干牛斗歡聲震鼓鼙忠臣思報國更欲取關西

辰州聞大駕還宮

聞道鑾輿歸魏闕望雲西拜喜成悲寧知隴水煙銷日
再有園林秋薦時渭水戰添亡虜血秦人生覩舊朝儀
自慚出守辰州畔不得親隨日月旗

辰州建中四年多懷

荒徼辰陽遠窮秋瘴雨深主恩堪灑血邊宦更何心海
上紅旗滿生前白髮侵竹寒寧改節隼靜早因禽務退
門多掩愁來酒獨斟天涯憂國淚無日不霑襟

上桂州李大夫

今日辭門館情將衆別殊感深翻有淚仁過曲憐愚晚
曉一作曉鏡傷秋鬢晴寒切病軀煙霞一作波萬里闢宇宙一身孤

行苑全書言 四 十冊
一作倚馬才寧有登龍意豈無唯於方寸內暗貯報恩珠

江城秋霽

霽後江城風景涼豈堪登眺只堪傷遠天蟠螭收殘雨
映水鷓鴣近夕陽萬事無成空過日十年多難不還鄉
不知何處銷茲恨轉覺愁隨夜夜長

上李常侍

旌旗曉過大江西七校首驅萬隊齊千里政聲人共喜
三軍令肅馬前嘶恩霑境內風初變春入城陰柳漸低
桃李不須令更種早知門下舊成蹊

上胡南崔中丞

山上青松陌上塵雲泥豈合得相親舉世盡嫌良馬瘦

唯君不棄一作厭臥龍貧，千金未必能移性。一諾從來許殺身，莫道書生無感激。寸心還是報恩人。

早春雪中

陰雲萬里晝一作盡漫漫，愁坐關心事幾般。爲報春風休下雪，柳條初放一作發不禁寒。

雲安阻雨

日長巴峽雨濛濛，又說歸舟路未通。遊人不及西江水，先得東流到渚宮。

湖南春日二首

自憐春日客長沙，江上無人轉憶家。光景却添鄉思苦，簷前數片落梅花。

三湘漂寓若流萍、萬里湘江作江鄉隔洞庭、羈客春來心欲碎、東風莫遣柳條青。

送陸秀才歸觀省

武陵何處在南、指楚雲陰、花萼連枝一作芳近桃源、去路深啼鶯徒寂寂、征馬已駸駸、上千年柳條條挂我心。

戲題秋月

秋宵月色勝春宵、萬里天涯靜寂寥、近來數夜飛霜重、只畏娑婆樹葉凋。

宿湘江

九月湘江水漫流、沙邊唯覽月華秋、金風浦上吹黃葉、一夜紛紛滿客舟。

戲贈張使君

數載蹉跎罷搢紳，五湖乘興轉迷津。
如今野客無家第，醉處尋常是主人。

別公安賈明府

葉縣門前江水深，淺於羈客報恩心。
把君詩卷西歸去，一度相思一度吟。

霽雪

一作韓舍人書尚殘雪

風卷寒雲一作黃雲暮雪晴，江煙洗盡柳條輕。
簷前數片無人埽，又得書窗一夜明。

漢陰弔崔員外墳

遠別望有歸，葉落一作葉落望春暉。
所痛泉路人，一去無還期。

荒墳遺漢陰墳樹啼子規存沒抱冤滯孤魂意何依豈
無骨肉親豈無深相知曝露不復問高名亦何爲相攜
慟君罷春日空遲遲

題槿花

自用金錢買槿栽二年方始得花開鮮紅未許佳人見
蝴蝶爭知早到來

題宋玉亭

宋玉亭前悲暮秋陽臺路上雨初收應緣此處人多別
松竹蕭蕭也帶愁

過東平軍

畫角初鳴殘照微營營鞞馬往來稀相逢士卒皆垂淚

八座朝天何日歸

送辰一作新州鄭使君

誰人不譴謫君去獨堪傷長子家無弟一作第慈親老在堂

驚魂隨驛吏冒暑向炎方未到猿啼處參差已斷腸

江上柳送人

一本題上有
賦得二字

江柳斷腸色黃絲垂未齊人看幾重恨鳥入一枝低鄉
淚正堪落與君又解攜相思萬里道春去夕陽西

湘南曲

虞帝南遊不復還翠蛾幽怨水雲間昨夜月明湘浦宿

閨中珂珮度空山

桂州西山登高上陸大夫

御定全唐詩 四 十冊 四

登高上山上高處更堪愁野菊他鄉酒蘆花滿眼秋風
煙連楚郡兄弟客一作受荆州早晚朝天去親隨定遠侯

寄鄭鍊師

平生金石友淪落向辰州已是二年客那堪終日愁尺
書渾不寄兩鬢計應秋今夜相思月情人南海頭

八月十五日

憶昔千秋節懽娛萬國同今來六親遠此日一悲風年
少逢胡亂時平似夢中梨園幾人在應是涕一作泣無窮

征人歸鄉

三月江城柳絮飛五年遊客送人歸故將別淚和鄉淚
今日闌干濕汝衣

駱家亭子納涼

江湖思渺然不離國門前折葦魚沈藻攀藤鳥出煙生
衣宜水竹小酒入詩篇莫怪侵星坐神清不欲眠

逢隴西故人憶關中舍弟

莫話邊庭事心摧不欲聞數年家隴地舍弟歿胡軍每
念支離苦常嗟骨肉分急難何日見遙哭隴西雲

秋夜

一本有宿字

梁十三廳事

今來秋已暮還恐未成歸夢裏家仍遠愁中葉又飛竹
聲風度急燈影月來微得見梁夫子心源有所依

成都暮雨秋

一作秋雨

九月龜城暮愁人閉草堂地卑多雨潤天暖少秋霜縱

欲傾新酒其如憶故鄉不知更漏意惟向客一作邊長

酬梁二十

渚宮無限客相見獨相親長路皆同病無言似一身歲
寒唯愛竹憔悴不堪春細與知音說攻文恐悞人

花下宴送鄭鍊師

愁裏惜春深聞幽即共尋貴看花柳色圖放別離心客
醉花能笑詩成花一作酒伴吟爲君調綠綺先奏鳳歸林

秋館雨後得弟兄書即事呈李明府

弟兄書忽到一夜喜兼愁空館復聞雨貧家怯到秋坐
中孤燭暗窗外數螢流試以他鄉事明朝問子游

寄梁淑

長憶江頭執別時論文未有不相思
鴈過經秋無尺素人來終日見新詩
心思食蘖何由展家似流萍任所之
悔學秦人南避地武陵原上又徵師

送張秀才之長沙

君向長沙去長沙僕舊諳雖之一作云桂嶺北終是關一作洞庭

南山靄生朝雨江煙作夕嵐松醪能醉客慎勿滯湘潭

塞下一作曲

漢將歸來虜塞空旌旗初下玉關東
高蹄戰馬三千匹落日平原秋草中

送僧法和一作送亮法師

達士心無滯他鄉總是家問經翻貝葉論
法指蓮花欲

契真空義先開智慧芽不知飛錫後何處是汨沙

送嚴十五郎之長安

送客身爲客思家愴別家暫收雙眼淚遙想五陵花路

遠征車迴山迴劍閣斜長安君到日春色未應一作曾賒

冬夜宴梁十三廳

故人能愛客秉燭會吾曹家爲朋徒罄心緣翰墨勞夜
寒銷臘酒霜冷重緜袍醉臥西窗下時聞鴈響高

收襄陽城二首

悲風慘慘雨修修峴北山低草木愁暗發前軍連夜戰

平明旌旆入襄州

五營飛將擁霜戈百里僵屍滿盡河日暮歸來看劍血

將軍却恨殺人多

出軍

龍纒旌竿獸滿旗，翻營乍似雪中移。
一作山中軍一隊三千騎，盡是并州遊俠兒。

和李尹種葛

弱質人皆棄，唯君手自栽。
藟含霜後竹，香惹臘前梅。
擬託凌雲勢，須憑接引材。
一作綠陰如可惜，黃鳥定飛來。

送零陵妓

一作送妓
赴于公召

寶鈿香蛾翡翠裙，裝成掩泣欲行雲。
殷勤好取襄王意，莫向陽臺夢使君。

採蓮曲二首

御定全唐詩 四 戎昱 四 雙峰書屋

雖聽採蓮曲，詎識採蓮心。
漾楫愛花遠，回船秋浪深。
煙生極浦色，日落半江陰。
同侶憐波靜，看救墮玉簪。
潯陽女兒花滿頭，
珍珍同泛木蘭舟。
秋風日暮南湖裏，
爭唱菱歌不肯休。

塞下曲

胡風畧地燒連山，
碎葉孤城未下關。
山頭烽子聲一作齊聲，
叫知是將軍夜獵還。

寂上人禪房

俗塵浮垢閉禪關，
百歲身心幾日閑。
安得此生同草木，
無營長在四時間。

桂州口號

畫角三聲動客愁，曉霜如雪覆江樓。
誰道桂林風景暖，到來重著皂貂裘。

紅槿花

花是深紅葉麴塵，不將桃李共爭春。
今日驚秋自憐客，折來持贈少年人。

哭黔中薛大夫

亞相何年鎮百蠻，生涯萬事瘴雲間。
夜郎城外誰人哭，昨日空餘旌節還。

感春

看花淚盡知春盡，魂斷看花祇恨春。
名位未霑身欲老，詩書寧救眼前貧。

途中寄李

一一作李
益詩

楊柳煙含灞岸春，年年攀折爲行人。
好風若借低枝便，莫遣青絲掃路塵。

寄許鍊師

一作李
益詩

埽石焚香禮碧空，露華徧濕藥珠宮。
如何說得天壇上，萬里無雲月正中。

下第留辭顧侍郎

綺陌彤彤花照塵，王門候邸盡朱輪。
城南舊有山村路，欲向雲霞覓主人。

題雲公山房

一作權德輿詩
又作楊巨源詩

雲公蘭若深山裏，月明松殿微風起。
試問空門清淨心，

蓮花不著秋潭水

別離作一作黃叔倫詩

手把杏花枝、未曾經別離、黃昏掩門後、寂寞自心知

九日賈明府見訪

獨掩衡門秋景閑、洛陽才子訪柴關、莫嫌濁酒君須醉、
雖是貧家菊也斑、同人願得長攜手、久客深思一破顏、
却笑孟嘉吹帽落、登高何必上龍山、

開元觀陪杜大夫中元日觀樂第八句缺一字

今朝歡稱玉京天、況值關東俗理年、舞態疑迴紫陽女、
歌聲似遏綵雲仙、盤空雙鶴驚几劍、灑砌三花度管弦、
落日香塵擁歸騎、風油幕動高煙、

中秋夜登樓望月寄人

西樓見月似江城，脈脈悠悠倚檻情。
萬里此情同皎潔，一年今日最分明。
初驚桂子從天落，稍誤蘆花帶雪平。
知稱玉人臨水見，可憐光彩有餘清。

贈宜陽張使君

暫作宜陽客，深知太守賢。
政移千里俗，人戴兩重天。
舊郭多新室，閑坡盡闢田。
倘令黃霸在，今日恥同年。

移家別樹

干一作手種庭前樹，人移樹不移。
看花愁作別，不及未栽時。

成都送嚴十五之江東

江東萬里外，別後鵲悽悽。
峽路花應發，津亭柳正齊。
酒

傾遲日暮川闊遠天低心繫征帆上隨君到剡溪

送李參軍

好住好在王司戶珍重珍重李參軍一東一西如別鶴
一南一北似浮雲月照疎林千片影風吹寒水萬里紋
別易會難今古事非是余今獨與君

題巖氏竹亭

子陵樓遁處堪繫野人心溪水浸山影嵐煙向竹陰忘
機看白日留客醉瑤琴愛此多詩興歸來步步吟

送王端公之太原歸覲相公

桂史今何適西行詠陟岡也知人惜別終羨鴈成行春
雨桃花靜離尊竹葉香到時丞相閣應喜棣華芳

旅次寄湖南張郎中

寒江近戶漫流聲，竹影臨窗亂月明。
歸夢不知湖水闊，夜來還到落陽城。

晚次荆江

孤舟大江水，水涉無昏曙。
雨暗迷津時，雲生望鄉處。
漁翁閑自樂，樵客紛多慮。
秋色湖上山，歸心日邊樹。
徒稱竹箭美，未得楓林趣。
向夕垂釣還，吾從落湖去。

同辛兖州巢父虛副端岳相思獻酬之作因紆
歸懷兼呈辛魏二院長楊長寧

暮角發高城，情人坐中起。
臨觴不及醉，分散秋風裏。
雖有明月期，離心苦千里。
前歡反惆悵，後會還如此。
焉得

夜淹留一回終宴喜，羈遊復牽役。館至重湖水，早晚泛歸舟。吾從數君子。

撫州處士湖泛舟送北迴兩指此南昌縣查溪
蘭若別

移樽鋪山曲，祖帳查溪陰。鋪山即遠道，查溪非故林。悽然誦新詩，落淚霑素襟。郡政我何有，別情君獨深。禪庭古樹秋，宿雨清沈沈。揮袂故里遠，悲傷去住心。

耒陽谿夜行

爲傷杜甫作

乘父棹歸舟，緣源二轉幽。月明看嶺樹，風靜聽溪流。嵐氣船間入，霜華衣上浮。猿聲雖此夜，不是別家愁。

桂城早秋

遠客驚秋早，江天夜露新。
滿庭惟有月，空館更何人。
卜命知身賤，傷寒舞劍頻。
爰啼曾下淚，可是爲憂貧。

桂州歲暮

歲暮天涯客，寒窗欲曉時。
君恩空自感，鄉思夢先知。
重誼人愁別，驚棲鵲戀枝。
不堪樓上角，南向海風吹。

宿桂州江亭呈康端公

獨向東亭坐，三更待月開。
螢光入竹去，水影過江來。
露滴千家靜，年流一葉催。
龍鍾萬里客，正合故人哀。

全唐詩

竇叔向

竇叔向字遺直京兆人代宗時常袞為相引為左拾遺
 丙供奉袞貶出為溧水令五子羣常牟庠鞏皆工詞章
 有聯珠集行於時叔向工五言名冠時輩集七卷今存
 詩九首

寒食日恩賜火

恩光及小臣華燭忽驚春電影隨中使星輝拂路人幸
 因榆柳暖一照草茅貧

端午日恩賜百索

仙宮長命縷端午降殊私事盛蛟龍見恩深犬馬知餘

永寧山園寄
 指近校書云
 枚思切本別何
 手栽芳枝憶
 柯東阜黍
 熟思衣碎
 梨葉初紅白
 寄尚書弟
 先云
 書味未散
 時不知在
 五嶽間
 衡門秋水

全唐詩 竇叔向 卷七

寒霞飛去日

街山

自至將赴

照市

荆州二月

人高唐峡中

如西南一望

知水犹道

西南有回舟

仙人斜云

官遠以此原

生死思深

到家雪雨

柳何似去

鸞飛上野

不記

御定全唐詩

四

十冊

卷

雙峰書屋
實版向卷

生儻可續終冀蒼明時

貞懿皇后挽歌三首

今存二首

二陵恭婦道六寢盛皇情禮遜生前貴恩追歿後榮切

王親捧土愛女復連塋東望長如在誰云向玉京

後庭攀畫柳上陌咽清笳命婦羞蘋葉都人插柰花壽

宮星月異仙路往來賒縱有迎仙一作神術終悲隔絳紗

秋砧送邑一作邑大夫

斷續長門下清冷送旅秋征夫應待信寒女不勝愁帶

月飛城上因風散陌頭離君偏入聽況復送歸舟

過擔石湖

曉發漁門戌晴看擔石湖日銜高浪出天入四空無尺

上為慶叔向
分洲島織毫指
舳艫渺然從此去誰念客帆孤

寸一作尺分洲島織毫指一作舳艫渺然從此去誰念客帆孤

春日早朝應制

紫殿俯千官春松應合歡御爐香焰暖馳道玉聲寒乳燕翻珠綴祥鳥集露盤宮花一萬樹不敢舉頭看

酬李袁州嘉祐

少年輕會復輕離老大關心總是悲強說前程聊自慰未知攜手定何時公才屈指登黃閣匪服胡顏上赤墀想到長安誦佳句滿朝誰不念瓊枝

夏夜宿表兄話舊

夜合花開香滿庭夜深微雨醉初醒遠書珍重何曾達舊事淒涼不可聽去日兒童皆長大昔年親友半凋零

知定全唐詩 日 寶叔向 寶常 五 雙峰書屋

明朝又是孤舟別、愁見河橋酒幔青。

句

禁兵環素帟、宮女哭寒雲。

袁挽第三首止存二句見聯珠集叙

實常

實常字中行、大曆中及進士第、隱居廣陵之柳楊、著書二十年不出、後淮南節度杜佑辟為參謀、元和間、自湖南判官入為侍御史、轉水部員外郎、出刺朗州、固陵潯陽、臨川四郡、入為國子祭酒、致仕、卒、贈越州都督、有集十八卷、今存詩二十六首。

晚次方山精舍却寄張薦員外

楚臘遂無雪、江春又足風、馬廐三逕外、人病四愁中、西

塞波濤闊南朝寺舍空，猶銜步兵酒宿醉在除。一作東除

和裴端公樞蕪城秋夕簡遠近親知

歲積登朝戀，秋加陋巷貧。宿醒因夜歇，佳句得愁新。盡日憑幽几，何時上軟輪。漢廷風憲在，應念匪躬人。

項亭懷古

力取誠多難，天亡路亦窮。有心裁帳下，無面到江東。命厄畱騅處，年銷逐鹿中。漢家神器在，須廢拔山功。

奉使西還早發小澗館寄盧滁州邁

野裳花覆地，山館夜來陰。馬蹟穿雲去，雞聲出澗深。清風時偃草，久旱或爲霖。試與惇嫠話，猶堅借寇心。

早發金鉤店寄奚十唐大二茂才

出門山未曙、風葉暗蕭蕭。月影臨荒柵、泉聲近廢橋。歲
經秋後役、程在洛中遙。寄謝金門侶、弓旌悞見招。

途中立春寄楊郇伯

浪跡終年客、驚心此地春。風前獨去馬、澤畔耦耕人。老
大交情重、悲涼外物親。子雲今在宅、應見柳條新。

故秘監丹陽郡公延陵包公挽歌詞

卓絕明時第、孤貞貴後貧。却說爲胄子、季札是鄉人。筆
下調金石、花開領搢紳。那堪歸壟日、哭渡柳楊津。

涼國惠康公主挽歌

玉立分堯緒、笄年下相門。早加于氏對、偏占館陶恩。淚
有潛成血、香無却返魂。共知何駙馬、垂白抱天孫。

哭張倉曹南史

萬事竟蹉跎，重泉恨若何。
官臨環衛小，身遂轉蓬多。
麗藻嘗專席，閑情欲爛柯。
春風宛陵路，丹旆在滄波。

北固晚眺

水國芒種後，梅天風雨涼。
露蠶開晚簇，

蠶露於外
淮西皆然

江燕繞

危檣，山趾北來固，潮頭西去長。
年年此登眺，人事幾銷亡。

謁三閭廟

君非三諫寤，禮許一身逃。
自樹終天戚，何禪事主勞。
眾魚應餌骨，多士盡鋪糟。
有客椒漿奠，文衰不繼騷。

茅山贈梁尊師

雲屋何年客，青山白日長。
種花春掃雪，看籙夜焚香。
上象壺中闊，平生醉裏忙。
幸承仙籍後，乞取大還方。

謁諸葛武侯廟

永安宮外有祠堂，魚水恩深祚不長。
角立一方初退舍，擬稱三漢更圖王。
人同過隙無畱影，石在窮沙尚啓行。
歸蜀降吳竟何事，爲陵爲谷共蒼蒼。

奉賀太保岐公承恩致政

一作任

君爲宮一作召保及清時冠蓋，初閑拜武一作舞遲。
五色詔中

宣九德百寮班外置，三師山泉遂性休。
稱疾子弟能官各受詞，不學鑄金思范蠡。
乞言猶許上丹墀。

之任武陵寒食日，途次松滋渡先寄劉員外禹

錫

杏花榆莢曉風前雲際離離土峽船江轉數程淹驛騎
楚曾三戶少人煙看春又過清明節算老重經癸巳年

憲宗元
和八年

幸得一作
在

柱一作柱
一作佳

山當郡舍在朝長詠卜居篇

湖州杜
山在郡

東十七里
即今德山

奉寄辰州房使君郎中

漢代文明今盛明猶將賈傳暫專城何妨密旨先符竹
莫是除書誤姓名蝸舍喜時春夢去隼旗行處瘴江清
新年只可三十二却笑潘郎白髮生

立春後言懷招汴州李匡衡推

閑齋夜擊唾壺歌試望夷門奈遠何每聽寒笳離夢斷

時窺清鑑旅愁多初驚宵漏丁丁促已覺春風習習和

海內故人君最老花開鞭馬更相過

奉送職方崔員外攝中丞新羅册使

帝命海東使人行天一涯辨方知木德開國有金家册

拜申恩重畱歡作限賒順風鯨浪熟熟在初日錦帆斜夜

色潛然火秋期獨往槎慰安皆喻旨忠信自無瑕髮美

童年髻參香一作簪子月花便隨琛賫入正朔在中華

酬舍弟牟秋日洛陽官舍寄懷十韻

幼為逃難者纔省用兵初夫國三苗外全生四紀絕作餘

老頭親帝里歸處失吾廬逝水猶嗚咽祥雲自卷舒正

郎曾首拜亞尹末平除幾變陶家柳空傳魏闕書思凌

天際鶴言甚轍中魚玉立知求已金聲乍起予在朝魚
水分多病雪霜居忽報陽春曲縱橫恨不如

求自試

仙禁祥雲合高梧彩鳳遊沈冥求自試通鑿果蒙收文
墨悲無位詩書誤白頭陳王抗表日毛遂請行秋雙劍
曾埋獄司空問斗牛希垂拂拭惠感激願相投

花發上林

上苑曉沈沈花枝亂綴陰色浮雙闕近春入九門深向
暖風初扇餘寒雪尙侵豔回秦女目愁處越人心繞繞
時縈蝶關關乍引禽寧知幽谷羽一舉欲依林

過宋氏五女舊居

宋氏女弟五人
貞元中同入宮

謝庭風韻婕妤才天縱斯文去不迴一宅柳花今似雪
鄉人擬築望仙臺

還京樂歌詞製詞

百戰初休十萬師國人西望翠華時家家盡唱升平曲
帝幸梨園親

商山一作羅祠堂卽事

奪嫡心萌事可憂四賢西笑暫安劉後王不敢論珪組
土偶人前枳樹秋

七夕

一本有寄懷二字

露盤花水望三星髣髴虛無爲降一作降靈斜漢沒時人不
寐幾條蛛網下風庭

杏山館聽子規

楚塞餘春聽漸稀、斷猿今夕讓霑衣、雲埋老樹空山裏、
髣髴千聲一度飛、

寶牟

寶牟字貽周舉貞元進士第歷佐從事後爲畱守判官
檢校尙書都官郎中出爲澤州刺史改國子司業卒有
集十卷今存詩二十一首

史館候別蔣拾遺不遇

千門萬戶迷佇立月華西畫戟晨光動春松宿露低主
文親玉宸通籍入金閨宵念從戎去風沙事鼓鞞

早赴臨一作銀臺立馬待漏口號寄弟羣

上陌行初盡，巖城立未開。人疑早朝去，客是遠方來。伏
奏徒將命，周行自引才。可憐霄漢曙，鴛鷺正徘徊。

緱氏拜陵迴道中呈李舍人少尹

忽忝諸卿位，仍陪長者車。禮容皆若舊，名籍自憑虛。上
路花偏早，空山雲甚餘。却愁新詠發，酬和不相如。

陪韓院長韋河南同尋劉師不遇

以同尋師三字
分韻字得同字

仙客誠難訪，吾人豈易同。獨遊應駐景，相顧且吟風。藥
斲瓊枝秀，齋軒粉壁空。不題三五字，何以達壺公。

送東光呂少府之官連師奏授

遠愛東光縣，平臨若木津。一城先見日，百里早驚春。德
禮邀才重，恩輝拜命新。幾時裁尺素，滄海有枯鱗。

送劉公達判官赴天德軍幕

特建青油幕量動分紫禁師自然知
召子不用問從誰

文武輕車少腥膻左衽衰北風如有寄畫取受降時

東有西

受降城

故秘監丹陽郡公延陵包公挽歌

台鼎嘗虛位夔龍莫致堯德音冥秘府風韻散清朝
天上文星落林端玉樹凋有吳君子墓返塋故山遙

望終南

日愛南山好時逢夏景殘白雲兼似雪清晝乍生寒
九陌峰如墜干門翠可圍欲知形勝盡都在紫宸看

秋夕閑居對雨贈別盧七侍御坦

燕燕辭巢蟬蛻枝窮居積雨壞藩籬夜長簷雷寒無寢
日晏廚煙溼未炊悟主一言那可學從軍五首竟徒爲
故人驄馬朝天使洛下秋聲恐要知

晚過敷水驛却寄華州使院張鄭二侍御

春雨如煙又若絲曉來昏處晚晴時仙人掌上芙蓉沼
柱史關西松柏祠幾許歲華銷道路無窮王事繫戎師
迴瞻二妙非吾侶日對三峰自有期

洛下閑居夜晴觀雪寄四遠諸兄弟

雪月相輝雲四開終風助凍不揚埃萬重瓊樹宮中接
一直銀河天上來荆楚歲時知染翰湘吳醇酎憶銜杯
強題縑素無顏色鴻鴈南飛早晚迴

天津曉望因寄呈分司一二省郎

萬乘西都去，千門正位虛。
鑿龍橫碧落，提象出華胥。
望幸宮嬪老，迎春海燕初。
保釐纔半仗，容衛盡空廬。
要自詞難擬，繇來畫不如。
散郎無所屬，聊事穆清居。

早入朝書事

紫陌紛如畫，彤庭鬱未晨。
列星沈騎火，殘月暗車塵。
隱軫排霄翰，差池跨海鱗。
玉聲籟似樂，香澤散成春。
歎息驅羸馬，分明識故人。
一生三不遇，今作老郎身。

元日喜聞大禮寄上翰林四學士中書六舍人

二十韻

有事郊壇畢，無私日月臨。
歲華春更早，天瑞雪猶深。
玉

輦迴時令金門降德音翰飛鴛別侶藜植桂爲林粉澤

實叔同卷

資鴻筆薰和本素琴禮成戎器下恩徹鬼方沈麟爵來

稱紀官師退絕箴道風黃閣靜祥景紫垣陰壽酒朝時

獻農書夜直尋國香熅翠幄庭燎艷紅衾漢魏文章盛

堯湯雨露灑一作密辭投水石精義出沙金宸扆親唯敬

鈞衡近匪侵疾驅千里駿清唳九霄禽慶賜迎新服齋

莊棄舊簪忽思班女怨遙聽越人吟末路甘貧病流年

苦滯滛夢中青瑣闥歸處碧山岑竊抃聞韶濩觀光想

鞅任火哉環海晏不竿子牟心

奉使至邢州贈李八使君

獨占龍岡部深持虎節居盡心敷吏術含笑掩兵書禮

飾華纓重才牽雅製餘茂陰延驛路温液逗官渠南畝
行春罷西樓待客初甕頭開綠蟻砧下落紅魚牧伯風
流足輶軒若一作澗虛今宵鈴閣內醉舞復何如

秋日洛陽官舍寄上水部家兄

洛陽歸老日此縣忽爲君白髮兄仍見丹誠帝豈聞九
衢橫逝水二室散浮雲屈指豪家盡傷心要地分禁中
周幾鼎涼上漢諸墳貔虎今無半狐狸宿有羣威聲慙
北部仁化樂南薰野蘂飢來食天香靜處焚壯年唯喜
酒幼學便詞文及爾空衰暮離憂詎可聞

李舍人少尹惠家醞一小榼立書絕句

禁瑣天燧嫩虞行夜月寒一瓢那可醉應遣試嘗看

酬舍弟庠罷舉從州辟書

之荆且願依劉表折桂終慙見郗詵舍弟未應絲作髮
園公不用印隨身

奉酬楊侍郎十兄見贈之作

翠羽雕蟲日日新翰林工部欲何神自悲由瑟無彈處
今作關西門下人

杏園渡

衛郊多壘少人家南渡天寒日又斜君子素風慙已矣
杏園無復一枝花

奉誠園聞笛

園馬侍
中故宅

曾絕朱纓吐錦茵欲披荒草訪遺塵秋風忽灑西園淚

滿目山陽笛裏人

竇羣

竇羣字丹列兄弟皆擢進士第獨羣以處士客于毘陵
韋夏卿薦之為左拾遺轉膳部員外郎兼侍御史知雜
事出為唐州刺史武元衡李吉甫共引之召拜吏部郎
中元衡輔政復薦為中丞後出為湖南觀察使改黔中
坐事貶開州刺史稍遷容管經畧使召還卒詩二十三
首

雪中遇直

寒光凝雪彩限直居粉闥恍疑白雲上乍覺金印非樹
色靄虛空琴聲諧素微明晨阻通籍獨卧挂朝衣

御定全唐詩 卷之四 竇羣 三

東山月下懷友人

東山多喬木，月午始蒼蒼。雖殊碧海狀，愛此青苔光。
高下滅華燭，參差啓洞房。佳人夢餘思，寶瑟愁應商。
皎潔殊未已，沈吟限一方。宦情哂雞口，世路倦羊腸。
彼美金石分，眷言蘭桂芳。清暉詎同夕，耿耿但相望。

時興

夙心曠何許，日暮依林薄。流水不待人，孤雲時映鶴。
濛濛千萬花，曷爲神仙藥。不遇爛柯叟，報非舊城郭。

題劍

丈夫得寶劍，束髮曾書紳。嗟吁一朝遇，願言千載鄰。
心許畱家一作家樹，辭直斷佞臣。焉能爲繞指，拂拭試時人。

黔中書事

萬事非京國千山擁麗譙佩刀看日曬賜馬傍江調
言語多重譯壺觴每獨謠沿流如著翅不敢問歸橈

冬日曉思寄楊二十七鍊師

雨霜地如雪松桂青參差鶴警晨光上步出南軒時所
遇各有適我懷亦自怡願言緘素封昨夜夢瓊枝

貞元末東院嘗接事今西川武相公于茲三周
謬領中憲徘徊廳宇多獲文篇夏日即事因寄
四韻

重軒深似谷列柏鎮含烟境絕蒼蠅到風生白雪前彈
冠驚迹近專席感恩偏霄漢朝來下油幢路幾千

北地

一作容州

何事到容州臨池照白頭興隨年已往愁與水長流
僊思逋客辛勤悔飯牛詩人亦何意樹草欲忘憂

雨後月下寄懷羊二十七資州

夕霽涼飈至愴然心賞諧清光松上月虛白郡中齋
置酒平生開衿願見乖殷勤寄雙鯉夢想入君懷

奉酬西川武相公晨興贈友見示之作

碧樹分曉色宿雨弄清光猶聞子規啼獨念一聲長
眷軫芳思依依寄遠方情同如蘭臭惠比返魂香新什
驚變雅古瑟代沈湘殷勤見知己掩抑繞中腸隙駟不
我待路人易相忘孤老空許國幽報期蒼蒼

晨游昌師院

深庭芳草濃曉井山泉溢林馥亂沈煙石潤侵經室幽
巖鳥飛靜晴嶺雲歸密壁蘚凝蒼華竹陰滿晴日生期
半宵夢憂緒仍非一若無高世心安能此終畢

同王晦伯朱遐景宿慧山寺

毘陵志云貞元四年羣卿與晦伯遐景同宿慧山寺賦詩題

壁羣再至則王已祖謝復留
跋於後寺遠爲刻石勒其事

共訪青山寺曾隱南朝人問古松桂老開襟言笑新步
移月亦出水映石磷磷予洗腸中酒君濯纓上塵皓彩
入幽拖清氣逼蒼旻信此澹忘歸淹畱冰玉鄰

草堂夜坐

匣中三尺劍天上少微星勿謂相去遠壯心曾不停

經潼關贈宇文十

古有弓旌禮今徵草澤臣方同白衣見不是棄繻人

觀畫鶴

華亭不相識衛國復誰知悵望冲天羽甘心任畫師

晚自臺中歸永寧里南望山色悵然有懷呈上

右司十一兄

白髮侵侵生有涯青襟曾愛紫河車自憐悟主難歸去
馬上看山恐到家

中牟縣經魯公廟

嘗修名臣畧
繫司徒公

青史編名在篋中故林遺廟揖仁風還將文字如顏色
暫下蒲車爲魯公

初入諫司喜家室至

一旦悲歡見孟光十年辛苦伴滄浪不知筆硯緣封事
猶問傭書日幾行

春雨

昨日偷閑看花了今朝多雨奈人何人間盡似一作是逢花
雨莫愛芳菲濕綺羅

送內弟袁德師

南渡登舟郎水仙西垣有客思悠然因君相問爲官意
不賣毘陵負郭田

贈劉大兄院長

萬年枝下昔同趨三事行中半已無路自長沙忽相見

共驚雙鬢別來殊

假日尋花

武陵緣源不可到
河陽帶縣詎堪誇
枝枝如雪南關外
一日休閑盡屬花

自京將赴黔南

風雨荊州二月天

羣竹湖南改黔

問人初雇峽中船
西南一望雲

和水猶道黔南有四干

竇庠

竇庠字胄卿釋褐授國子主簿
韓臯鎮武昌辟爲推官
臯移鎮京口用爲度支副使
改殿中侍御史歷登澤信
婺四州刺史庠天授侂儻氣在物表
一言而合期於歲

寒爲五字詩頗得其妙詩二十一首

畱守府酬皇甫曙侍御彈琴之什

青瑣畫無塵碧梧陰似水高張朱弦琴靜舉白玉指洞
簫又奏繁寒磬一聲起鶴警風露中泉飛雪雲裏泠泠
分雅鄭析析諧宮徵座客無俗心巢禽亦傾耳衛國知
有人齊竿偶相齒有時趨絳紗盡日隨朱履那令雜繁
手出假求焦尾幾載遺正音今朝自君始

金山行

潤州金山寺在江心

西江中濡波四截湧出一峰青堞一作喘堞外如削成中缺
裂陽氣發生陰氣結是時炎天五六月上有火雲下冰
雪夜色晨光相蕩沃積翠流霞滿坑谷龍泓徹底沙布

金鳥道插雲梯
螭玉架險凌虛
隨指顧
棖桷玲瓏皆固
護幹流倒景
不可窺
萬仞千崖生
跬步日華重重
一作上

金勝丹楹碧砌
真珠網此時
天海風浪清
吳楚萬家皆
在掌瓊樓菌閣
紛明媚曲檻迴
軒深且濶
海鳥夜上珊瑚
枝江花曉落
瑠璃地有時
倒影沈江底
萬狀分明光
似洗不知
水上有樓臺
却就波中看
閉啓舟人
忘却江水
深水神誤到
人間世歘然
風生波出沒
濯瀟晶瑩無
定物居人相
顧非人間如
到日宮經月窟
信知靈境長
有靈住者不
得無仙骨
三神山上蓬萊宮
徒有丹青人
未逢何如此
處靈山宅
清涼不與
暮塵隔
曾到金山處

處行夢魂長羨金山客

手闐鐘歌送靈徹上人歸越

鐘在越靈嘉寺
從天竺飛來

海中有國傾神功烹金化成九乳鐘精氣激射聲冲融
護持海底諸魚龍聲有感神無方連天雲水無津梁不
知飛在靈嘉寺一國之人皆若狂東南之美天下傳環
文萬象無雕鐫有靈飛動不敢懸鎖在危樓五百年有
時清秋日正中繁霜滿地天無風一聲洞徹八音盡萬
籟悄然星漢空徒言凡質千鈞重一夫之力能振動大
鳴小鳴須在君不擊不考終不聞高僧訪古稽山曲終
日當之言不足手提文鋒百鍊成恐刺此鐘無一聲

太原送穆質南遊

今朝天景清秋入晉陽城露葉離披處風蟬三數聲那

言苦行役值此遠徂征莫話心中事相看氣不平

實叔向卷

四皓驛聽琴送王師簡歸湖南使幕

朱弦韻正調清夜似聞韶山館月猶在松枝雪未消城
笳三奏曉別鶴一聲遙明日思君處春泉翻寂寥

夜行古戰場

山斷塞初平人言古戰庭泉冰聲更咽陰火燄偏青月
落雲沙黑風迴草木腥不知奏與漢徒欲弟英靈

奉和王侍郎春日喜李侍郎崔給諫張舍人韋
諫議見訪因命觴觀樂之什

華館遲嘉賓逢迎淑景新錦筵開絳帳玉佩下朱輪曲
裏三仙會風前百轉春欲知忘味處共仰在齊人

酬謝韋卿二十五兄俯贈輒取書情

大賢持贈一明璫蓬草初驚滿室光埋沒劍中生紫氣
塵埃瑟上動清商荆山璞在終應識楚國人知不是狂
莫恨伏轅身未老會將筋力是一作事王良

奉酬侍御家兄東洛閑居夜晴觀雪之什

洛陽宮觀與天齊雪淨雲消月未西清淺乍分銀漢近
輝光漸覺玉繩低綠醅乍熟堪聊酌黃竹篇成好命題
應念武關山斷處空愁簿領候晨雞

勅目至家兄蒙淮南僕射杜公奏授祕校兼節
度參謀尙書寄上

朝市三千里園廬二十春步兵終日飲原憲四時貧佳

樹畱人久蓬山入夢新鶴書承處重鵲語喜時類草奏
才偏委嘉謀事最親楊因徐孺解醒爲穆生陳衛國今
多士荊州好寄身煙霄定從此非假問陶鈞

酬韓愈侍郎登岳陽樓見贈

韓子權知
岳州事

巨浸連空闊危樓在杳冥稍分巴子國欲近老人星昏
巨呈新候川原按舊經地圖封七澤天限鎖重扇萬象
皆歸掌三光豈遁形月車纔碾浪日御已翻溟落照金
成柱餘霞翠擁屏夜光疑漢曲寒韻辨湘靈山晚一作曉雲
常碧湖春草徧青軒黃曾舉樂范蠡幾揚舡有客初畱
鷁貪程尙數蕘自當徐孺榻不是謝公亭雅論冰生水
雄材刃發礪座中瓊玉潤名下茁蘭馨假手誠知拙齊

心匪躓寧每慙公府粟却憶故山蒼苦調當三歎知音
願一聽自悲由也瑟敢墜孔悝銘野杏初成雪松醪正
滿瓶莫辭今日醉長恨古人醒

東都嘉量亭獻畱守韓僕射

卜築三川上儀刑萬井中度材垂後儉選勝揜前功雲
構中央起煙波四面通乍疑游汗漫稍似入崆峒屢閉
高低盡山河表裏窮峰巒從地碧宮觀倚天紅靈檻如
朝蜃飛橋狀晚虹曙霞晴錯落夕靄溼蔥蘢庾亮樓何
阨一作陳蕃榻更崇有時閑講德永日靜觀風玉笋飛無
算金鑊奏未終重筵開玳瑁上客集鸚鵡鴻接武空慙蹇
脩文敢並雄豈須登峴首然後奉羊公

段都尉別業

曾識將軍段匹磾
幾場花下醉如泥
春來欲問林園主
桃李無言鳥自啼

靈臺鎮贈丘岑中丞

曉日天山雪半晴
紅旗遙識漢家營
近來胡騎休南牧
羊馬城邊春草生

贈道芬上人

善畫
松石

雲濕烟封不可闕
晝時唯有鬼神知
幾回逢著天台客
認得巖西最老枝

金山寺

一點青螺白浪中
全依水府與天通
晴江萬里雲飛盡

鼇背參差日氣紅

冬夜寓懷寄王翰林

一作翰林
王補闕

滿地霜蕪葉下枝幾回吟斷四愁詩漢家若欲論封禪
須及相如未病時

醉中贈符載

白社會中嘗共醉青雲路上未相逢時人莫小池中水
淺處無妨有臥龍

龍門看花

無葉無枝不見空連天撲地逕纔通山鶯驚起酒醒處
火焰燒人雪噴風

陪畱守韓僕射巡內至上陽宮感興二首

翠輦西歸七十春，玉堂珠綴儼埃塵。武皇弓劍埋何處，實叔向卷
泣問上陽宮裏人。

愁雲一作烟漠漠草離離，太乙句陳處處疑。薄暮毀垣春雨裏，殘花猶發萬年枝。

竇鞏

竇鞏字友封，登元和進士，累辟幕府，入拜侍御史，轉司
勳員外刑部郎中。元稹觀察浙東，奏爲副使，又從鎮武
昌，歸京師卒。鞏雅裕，有名於時，平居與人言，若不出口，
世稱囁嚅翁。白居易編次往還詩，尤長者，號元白往還
集，鞏亦與焉。詩三十九首。

老將行

一作吟

坐惜年光變。遼陽信未通。燕迷新畫_{畫一作}屋。春識舊花叢。
夢繞天山外。愁翻錦字中。昨來誰是伴。鸚鵡在簾櫳。

歲晚喜遠兄弟至書情

幾年滄海別。相見竟_{一作}多違。鬢髮緣愁白。音書爲懶稀。
新詩徒有贈。故國未同歸。人事那堪問。無言是與非。

登玉鈎亭奉獻淮南李相公

西南城上高高處。望月分明似玉鈎。宋檻入雲看鳥滅。
綠楊如卷遶江流。定知有客嫌陳榻。從此無人上庾樓。
今日卷簾天氣好。不勞騎馬看揚州。

南陽道中作

東風雨洗順陽川。蜀錦花開綠草田。彩雉鬪時頻駐馬。

酒旗翻處亦畱錢。新晴日照山頭雪。薄暮人爭渡口船。
早晚到家春欲盡。今年寒食月初圓。

哭呂衡州八郎中

今朝血淚問蒼蒼。不分先悲旅館喪。人送劍來歸隴上。
鴈飛書去叫衡陽。還家路遠兒童小。埋玉泉深晝夜長。
望盡素車秋草外。欲將身贖返魂香。

江陵遇元九李六二侍御紀事書情呈十二韻

自見人相愛。如君愛我稀。好閑容問道。攻短每言非。夢
想何曾間。追歡未省違。看花憐後到。避酒許先歸。柳寺
春堤遠。津橋曙月微。漁翁隨去處。禪客共因違。蓬閣初
疑義。霜臺晚畏威。學深通古字。心直觸危機。肯滯荊州

椽猶香柏署衣山連巫峽秀田傍渚宮肥美玉方齊儻
遷鷺尚怯飛佇看霄漢上連步侍彤闈

遊仙詞

海上神山綠溪邊杏樹紅不知何處去月照玉樓空

贈阿史那都尉

較獵燕山經幾春雕弓白羽不離身年來馬上渾無力
望見飛鴻指似人

陝府賓堂覽房杜二公仁壽年中題紀手跡

仁壽元和二百年濛籠水墨淡如煙當時憔悴題名曰
漢祖龍潛未上天

早春送宇文十歸吳

春遲不省似今一作新年二月無花雪滿天
村店閉門何處宿
夜深遙喚渡一作隔江船

經寶車騎故城

荒陂古堞欲千年名振圖書劍在泉
今日諸孫拜墳樹愧無文字續燕然

贈王氏小兒

竹林會裏偏憐小淮水清時最覺賢
莫倚兒童輕歲月丈人曾共爾同年

唐州東途作

綠林兵起結愁雪白羽飛書朱解紛
天子欲開三面網莫將弓箭射官軍

掾猶香柏署衣山連巫峽秀田儻渚宮肥美玉方齊價
遷鷺尚怯飛佇看霄漢上連步侍彤闈

遊仙詞

海上神山綠溪邊杏樹紅不知何處去月照玉樓空

贈阿史那都尉

較獵燕山經幾春雕弓白羽不離身年來馬上渾無力
望見飛鴻指似人

陝府賓堂覽房杜二公仁壽年中題紀手跡

仁壽元和二百年濛籠水墨淡如煙當時樵悴題名日
漢祖龍潛未上天

早春送宇文十歸吳

春遲不省似今年一作新年二月無花雪滿天村店閉門何處

宿夜深遙喚渡一作隔江船

經寶車騎故城

荒陂古堞欲千年名振圖書劍在泉今日諸孫拜墳樹

愧無文字續燕然

贈玉氏小兒

竹林會裏偏憐小淮水清時最覺賢莫倚兒童輕歲月

丈人曾共爾同年

唐州東途作

綠林兵起結愁雲白羽飛書未解紛天子欲開三面網

莫將弓箭射官軍

新羅進白鷹

御馬新騎禁苑秋。白鷹來自海東頭。漢皇無事須游獵，
雪亂爭飛錦臂鞬。

秋夕

護霜雲映月朦朧。烏鵲爭飛井上桐。夜半酒醒人不覺，
滿池荷葉動秋風。

襄陽寒食寄字文籍

煙水初銷見萬家。東風吹柳萬條斜。大堤欲上誰相伴，
馬踏春泥半是花。

奉使薊門

自從身屬富人侯。蟬噪槐花已四秋。今日一莖新白髮，

懶騎官馬到幽州

送劉禹錫

十年憔悴武陵溪，鶴病深林玉在泥。今日太行平似砥，
九霄初倚入雲梯。

送元稹西歸

南州風土滯龍媒，黃紙初飛勅字來。二月曲江連舊宅，
阿婆情熟牡丹開。

過驪山

翠輦紅旌去不回，蒼蒼宮樹鎖青苔。有人說得當時事，
曾見長生玉殿開。

洛中即事

高梧葉盡鳥巢空。洛水潺湲夕照中。寂寂天橋車馬絕。
寒鴉飛入上陽宮。

尋道者所隱不遇

一作于鵠詩題
作訪隱者不遇

籬外涓涓澗水流。槿花半點夕陽收。欲題名字知相訪。
又恐芭蕉不奈秋。

寄南游兄弟

書來未報一作南游幾時還。知在三湘一作湖五嶺間。獨立衡門
秋水闊。寒鴉飛去日銜山。

宮人斜

離宮路遠北原斜。生死恩深不到家。雲雨今歸何處去。
黃鸝飛上野棠花。

代鄰叟

年來七十罷耕桑，就暖支羸強下牀。
滿眼兒孫身外事，閑梳白髮對殘陽。
一作向斜陽

新營別墅寄家兄

懶性如今成野人，行藏由興不由身。
莫驚此度歸來晚，買得西山一作山居正值春。

南游感興

傷心欲問前朝事，惟見江流去不回。
日暮東風春草綠，鷓鴣飛上越王臺。

題劍津

風前推折千年劍，巖下澄空萬古潭。
雙劍變成龍化去。

兩溪相並水歸南

放魚武昌作

金錢贖得免一作見刀痕聞道禽魚亦感恩
好去長江千萬里不須辛苦上龍門

永寧小園寄接近校書一作羊士諤詩

故里心期奈別何手栽一作移芳樹憶庭柯
東臯黍熟君應醉梨葉初紅白露多

從軍別家

自笑儒生著戰袍書齋壁上挂弓刀
如今便是征人婦好織迴文寄寶滔

悼妓東東

